



Broj: 07/2-14-2084/19  
Vogošća, 12.02.2020. godine

Na osnovu člana 69. stav 2. pod d), člana 70. stav 4. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 12.02.2020. godine donio je

## **ODLUKU O PONIŠTENJU POSTUPKA JAVNE NABAVKE USLUGE REDOVNOG ČIŠĆENJA I ODRŽAVANJA HIGIJENE ZGRADE OPĆINE VOGOŠĆA**

### **Član 1.**

Poništava se Otvoreni postupak javne nabavke usluge redovnog čišćenja i održavanja higijene zgrade Općine Vogošća broj: 07/2-14-2084/19, jer nijedna od pristiglih ponuda nije prihvatljiva.

### **Član 2.**

Ovom Odlukom stavlja se van snage Odluka o izboru drugorangiranog ponuđača za pružanje usluge redovnog čišćenja i održavanja higijene zgrade Općine Vogošća broj: 07/2-14-2084/19 od 05.02.2020. godine.

### **Član 3.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

## **OBRAZLOŽENJE**

Općinski načelnik je dana 31.12.2019. godine donio Odluku o pokretanju Otvorenog postupka nabavke usluge redovnog čišćenja i održavanja higijene zgrade Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.12.2019. godine pod brojem: 1353-1-2-241-3-176/19.

Sažetak Obavještenja o nabavci objavljen je u "Službenom glasniku BiH" broj: 1/20 od 10.01.2020. godine.

Nakon provedene Zakonom propisane procedure, dana 24.01.2020. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07/2-14-2084/19, kojom je kao najpovoljniju ponudu u Otvorenom postupku nabavke usluge redovnog čišćenja i održavanja higijene zgrade Općine Vogošća ocijenila ponudu ponuđača "Greenline" d.o.o. Sarajevo, kao prvoplasiranu na Rang listi, sa ponuđenom najnižom cijenom tehnički zadovoljavajuće ponude u ukupnom iznosu od 39.450,00 KM bez uračunatog PDV-a, odnosno 46.156,50 KM sa uračunatim PDV-om.

Tačkom 7.1.2. TD. a u skladu sa članom 45. stav 2. Zakona je propisano da je izabrani ponuđač u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojom se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospelje obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospelje obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2 TD su morali biti originali ili ovjerene kopije i ne stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevan tačkom 7.1.1 TD je bio 03.02.2020. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda svim ponuđačima koji su učestvovali u postupku dostavljena dana 29.01.2020. godine.

U ostavljenom roku izabrani ponuđač "Greenline" d.o.o. Sarajevo nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 02/2020 od 16.01.2020. godine.

Ponuđač je u svojoj Ponudi od 16.01.2020. godine kao dokaz samo dostavio Uvjerenje broj: 13-9/6-12-5-45/20 od 06.01.2020. godine, izdato od strane Porezne uprave Federacije BiH-Porezna ispostava Vogošća, kojim se utvrđuje da "Greenline" d.o.o. Sarajevo nema obaveza (duga) koje se odnose na doprinose za penzijsko-invalidsko i zdravstveno osiguranje.

Postupajući u skladu sa članom 72. stav 3. pod a) Zakona o javnim nabavkama BiH ("Službeni glasnik BiH", broj 39/14) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ" Komisija za javne nabavke je jednoglasno dala preporuku Općinskom načelniku da se donese nova Odluka o izboru drugorangiranog ponuđača i da se ugovor za pružanje usluge redovnog čišćenja i održavanja higijene zgrade Općine Vogošća dodijeli drugorangiranom ponuđaču sa prethodno utvrđene Rang liste "Atalian Global Services BH" d.o.o. Sarajevo, sa ponuđenom cijenom tehnički zadovoljavajuće ponude u iznosu od 39.500,00 KM bez uračunatog PDV-a, odnosno 46.215,00 KM sa uračunatim PDV-om.

Uvažavajući preporuku Komisije za javne nabavke Općinski načelnik je dana 05.02.2020. godine donio Odluku o izboru drugorangiranog ponuđača "Atalian Global Services BH" d.o.o. Sarajevo, za pružanje usluge redovnog čišćenja i održavanja higijene zgrade Općine Vogošća, sa ponuđenom cijenom tehnički zadovoljavajuće ponude u iznosu od 39.500,00 KM bez uračunatog PDV-a, odnosno 46.215,00 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru drugorangiranog ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;

- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2. TD moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.1 TD je bio 10.02.2020. godine, obzirom da je Odluka o izboru drugorangiranog ponuđača zajedno sa Obavještenjem o rezultatu postupka javne nabavke i Zapisnikom Komisije za javne nabavke svim ponuđačima koji su učestvovali u postupku dostavljena dana 05.02.2020. godine.

U ostavljenom roku izabrani ponuđač "Atalian Global Services BH" d.o.o. Sarajevo nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: KA-16/20 od 16.01.2020. godine.

Ponuđač je u svojoj Ponudi od 16.01.2020. godine kao dokaz samo dostavio Uvjerenje broj: 13-9/2-15-5-4415/19 S.N. od 26.12.2019. godine, izdato od strane Porezne uprave Federacije BiH-Porezna ispostava Centar, kojim se utvrđuje da "Atalian Global Services BH" d.o.o. Sarajevo nema obaveza (duga) po osnovu javnih prihoda.

Komisija za javne nabavke Općine Vogošća je Zapisnikom o pregledu i ocjeni ponuda broj: 07/2-14-2084/19 od 24.01.2020. godine utvrdila Rang listu u Otvorenom postupku nabavke usluge redovnog čišćenja i održavanja higijene zgrade Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Greenline" d.o.o. Sarajevo	39.450,00	46.156,50
2	"Atalian Global Services BH" d.o.o. Sarajevo	39.500,00	46.215,00

Iz navedenih razloga, obzirom da nijedan od ponuđača sa prethodno utvrđene Rang liste nije dostavio traženu dokumentaciju propisanu članom 45. Zakona o javnim nabavkama BiH a zahtjevanu tačkom 7.1.1 TD u rokovima koje je propisao ugovorni organ, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge redovnog čišćenja i održavanja higijene zgrade Općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Emms" d.o.o. Jelah-Tešanj
2. "Atalian Global Services BH" d.o.o. Sarajevo
3. "Greenline" d.o.o. Sarajevo
4. O.R. Agencija za čišćenje "Temiz"
5. Nadležnoj Službi
6. U dosije
7. a/a

032/660-536

033/922-497

033/424-095

agenciazaciscenietemiz@hotmail.com



Edin Smajić